



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

2. In quibus rebus dehonoratur nomen Dei.

urn:nbn:de:hbz:466:1-29452

hæc omnia dona Dei sunt: igitur qui gloriatur, in
Domino glorietur, 1. Corinth 1. Hierem. 9. Hæc est
maxima virtutum yna, non querere propriam glo-
riam, sed solius Dei nomen sanctificare, atque illi ho-
norem ascribere in omnibus rebus & factis. Sic enim
anobis nomen sanctificatur Dei, & hoc Deo placet,
qui humilibus dat gratiam, & superbis resistit, Iacob.
1. ad illos inquit: Amice ascede superius. Postre-
mò, nomen Dei à nobis sanctificatur, quandò ipsum
nomen Dei nobis preciosum est atq; sanctum, ne illo
vitamur in rebus non sanctis, sed potius in peccatis,
quam in rebus salutaribus, quod fit peiurando, con-
viciando, maledicendo &c. aut quandò in rebus leui-
bus ytimur nomine Dei sine illa reverentia, timore
aut honore, id quod vix unus seruat, & iij faciunt cō-
tra præceptum secundū primę tabulę, Non assumes
nomen Dei tui in vanum &c. Ut igitur diabolus nos
non impellat ad varia illa flagitia, rogandus est De-
us ut nobis donet quatenus nomen suum nobis san-
ctum sit, quod super nos est inuocatum & super alias
res sanctificatas per nomen Dei.

Secundo, conqueritur Dominus per Prophetam
Ezai. 52. inquiens: Iugiter & tota die nomen meum
blasphematur, id est, peruersi fideles qui confitentur
sacrae nosse Deum, attamen factis negant, ad Titum
3. faciunt ut Deus blasphemetur ab infidelibus &
gentibus, quæ sic dicunt: Illéne Deus est, qui habet
tam pessimè viuentes, & enormia facinora perpetrā-
tes, pro suis cultoribus & adoratoribus? quomodò
potest esse verus eorum Deus, cùm tales permittat
viuere? Qui igitur se inquinant periurio, adulterio,
superbia, blasphemia &c. illi Deum inhonorant, &
sunt illi scandalum, quia cum non timent, nec repu-
tant pro Deo vero, & faciunt malo suo exemplo, vt
etiam à gentibus nomen Dei blasphemetur. Vnde
dicit per Prophetam Malach. 1. Si ergo pater ego sum,
ybi est

vbi est honor meus? Et si Dominus ego sum, vbi est mor meus, dicit Dominus exercituum? Quilibet tenetur ad laudem nominis Dei semper & omni tempore sicut Psalmista dicit: Benedicam Dominum in omni tempore, semper laus eius in ore meo: & teneatur operam dare, ut ab alijs & vbiq; nomen Dei honoretur & glorificetur, non blasphemetur: Blasphematur autem, quando doctrina falsa pro vera doceatur: vbi falsitas honoratur, & veritas nominis Dei dehonoratur: quando verbo Dei non creditur, fit ut nomen Dei blasphemetur, quasi verax non sit: sic qui negat fidem Christi, & qui dicit Deum patrem suum in cœlis, & tamen non vult obedire Deo & seruare ius præcepta, hæc contumelia in Deum est, sicut patri carnali est indecorum, si filiū habet indisciplinatum, & sic dicit Deus Ezech. 36. Nomen meum blasphematur inter gentes propter vos, &c. Rom. 3. Nomen Dei per vos blasphematur. 2. Petr. 2. Per quod via veritatis blasphematur.

3. Tertio, Tobiae 1. legitur, quomodo Tobias in Hierosolyma intrabat templū Dei, & ibi adorabat & laetificabat nomen Dei, & nolebat inhonorare Deum, adorando vitulos aureos quos erexit Ierooboam, Reg. 12. & Dominus fuit cum eo. Et Christus promittit copiosam mercedem in cœlo ijs, qui propter gloriam nominis sui odio habentur Matt. 5. Sic quoque Deus promittit 1. Reg. 2. Quicunq; honorificauerit me, glorificabo eum, & Psal. 14. Timentes autem Dominum glorificat. Qui ergo de honore & sanctitate nominis Dei augenda cogitat, ut hoc semper laudetur & glorificetur ab omnibus, is iterum glorificabitur omni honore & fortuna hic & in futura vita: qui autem blasphemat per se, aut occasionem alijs dat, is quoq; punietur in hac & post hanc vitam. Nec euadet pœnam, qui nomen Domini facit blasphemare, sic dicitur Dauidi 2. Reg. 12. Verūtamen quoniam blasphe-